



Даға пұтпа

Жұрт қамын ойлаған азамат

Қалды артта жетпіс асу, қия шындар,
Сырбазсың, сыңғырлаған мінезіңіз бар.
Шұғыла, шуақ төгіп айналаңа,
Жас жігіттей әлі де қуатың бар.

Жария етіп атыңды алты Алашқа,
Келесің үлгі болып баршамызға.
Аузын ашса жүрегі көрінетін,
Базары жайсандардың тарқамас ешқашанда.

Толқын болып аңқылдайсың ақтарылып,
Жатыр ғой ақ пейілге жат табынып.
Ақ туын адалдықтың желбіретіп,
Жүресің биік-биік шыңға шығып.

Танытып еңбегіңмен сан қырынды,
Жақсыға шашу еттің жан нұрынды.
Бөленіп құрметіне қалың жұрттың,
Арнадың еліңе сан тағдырынды.

Қалыбын адалдықтың бір бұзбай,
Ұяңыздан түлеп ұшты ұл-қыздар.
Өзіңізден өркен жайып, өнеге алған,
Тілейді бақыт жұлдыздар.

Асың – асқа, басың – аман жүргейсіз жан бауырым.
Жетпісіңмен жолдасындай жымдасып,
Сексеннің де басыңа ора сәлдесін.
Жан-жарыңмен, немеремен жарқылдап,
Жүзге дейін соға берсін жүрегің.

**Игі тілекпен,
ағаң Башар Шәймерденов.**

Ағаға ақ тілек

Әрбір адамның өзіне тән ғұмыр жолы, тіршілік баяны бар, бірақ еткен еңбек, көрген бейнет, татқан зейнет, алған асу, жеткен биік әркімнің өмірінде әрқилы. Оны сырт көз өздерінше бағалап та жатады. Сондағы жалпының іздейтіні біреу: ол – кісілік қасиет, азаматтық тұлға. Оған – дәл осындай адами асқақ кісілікке, қанша ғұмыр кешкенімен жеткен де бар, жетпеген де бар.

Сіздің де мағыналы өміріңіз, шуақты шаңырағыңыз, алтын дінгегі – өмірлік қосағыңыз Майра тәтемен, оның жалғасы, ертеңгі мәуелі жемісі – бауыр етіңіз балаларыңыз бен алтын асықтай немерелеріңіз.

Бүгін 70 жасқа толған мерейлі мүшел тойыңызда өзіңізге денсаулық, ұзақ ғұмыр, әулетіңізге баянды бақыт тілейміз!

Игі тілекпен, Әнуар-Гүлназ.

Асқар тауым – Ағатайым

Құтты болсын 70 жасыңыз,
Сексеннің де сендірінен асыңыз.
Қуат алып денсаулықтың нәрінен,
Жүзіп өтіп жүзге аяқ басыңыз!

Балалардың арасында жүріңіз,
Шаттық нардан анық басып жүзіңіз!
Тілек еттік шын жүректен бәріміз,
Мықты болып, ұзақ өмір сүріңіз!

Бір Жаратқан жар болып, қорғай жүрсін,
Ата-баба аруағы қолдай жүрсін.
Майра тәтеммен бірге 100 жасасып,
Бір-біріне сәлемін жолдай берсін!

**Игі тілекпен, Борис-Тоты,
Амангелді-Алмагүл, Мамыр-Айгүл,
Оралбек-Зәмзәгүл, Абат-Тоғжан, Айжан.**

Ізгілік нұрын сепкен жан

Алланың атымен бастайын.

Бауырым Жабал, туған күнің құтты болсын. Ғұмырың ұзақ, денің сау болсын!

Жұмжұманың бес Қәлидын ұрпағысың. 70 жасыңда айтылар, өзіңе жолданар, бақытына бағышталар тілектес, ниеттес жанашыр ағайынның тілектері

қабыл болсын. Жадымызда жатталып қалған көне суретін тірілтіп, сөз сабақтар болсақ, жарықтық менің атам сені иіскеп бесікке салып, тербететін. Құран оқып ұйықтататын, маған құлатып аласың деп тербеттірмейді.

Аллаға рахмет. Сен әскерге барып келдің, біз қуанып қарсы алдық. Содан бастап Көкшетауға барамын, сонда қызметке тұрам дедің, әкем аздап уайымдап қала берді. Өзінді өзің жеткіздің, рахмет Аллаға!

Бауырым Қайрия екеуіміз отырып жазуға бізге жазбады ғой, иманды болсын. Елге, ағайын туыстарға көмегің болып тұр ғой бауырым.

Мешіт салдырдың, Алла разы болсын! Атамның аруағы сені күнде жебеп жатыр ғой. Майраға қосылып бақытты болындар деген, қабыл болды. Майраны мақтауға болады, Шоқан, Расул, Назгүл туды.

Майраға құда түсуге бардық. Той бәрі жақсы өтті. Майраның есігі әрқашан ашық, дастарханы мол. Майраны мақтауға болады. Мұқат, Нұрғали үйленіп кеткен. Набиғали, Қинаятғали үйленген жоқ. Қазір елге баратын болсам бірінші мешітке барғым келеді. Бауырым Жабал бүкіл зиратты түзетіп, жақсы еңбегін сіңіріпті, сауаптан болсын! Мені, Айтжамалды Майра шақырып туыстардың басында болып қайттық. Айтжамал екеуіміз атамның арқасында, Айтжамал қойынында жататын. Бауырым Аяжанды ойлай жылап қалжырап қалды.

Сенатор болдың, құтты болсын. Дос көп, дұшпаның жоқ болсын деп тілеумен болдым, бауырым. Аман-есен жақсы өтті ғой – 5 жыл.

Бір күні Қайрия бауырым Жабалдан ақша келді сізге деп Төлеген екеуі келіп тұр. Алған алғашқы ақшасынан маған 50000 жіберіпті бауырым, аздап шүкір деп жылап алдым. Рахмет бауырым.

Сенің 70 жасыңды көрген маған Аллаға рахмет. Жасыңа жас қосыла берсін, балапандарыңның қызық-қуанышын көруге жазсын. Немере деген ыстық екен. Солардың қызығына тоймай, Майра екеуің бақытты болындар!

Менің 15-ке дейін атам Жұмжұма бірге болды. Сараны жылатпандар деп айта береді екен, ол туралы Ахмет атам жаны елжіреп айтып отыратын.

Балаларым бәрі нағашы деп жақсы сыйлайды. Телевизорда көрсе маған қоңырау шалып, нағашымыз сөйлеп жатыр деп, хабарлайтын.

Апаң Сара.

Қазақтың үш жұрты болады. Соның ішінде ең жанашыр, ең жақын жұрты – нағашы жұрты.

Нағашы!

Бүгінгі тойыңыз ырыстың бұлағы болсын. Отбасыңыз үбірлі, шаруаңыз дүбірлі болсын. Алдыңызда ақ мол болып, басыңызға бақ қонсын! Әрқашан Алланың нұры жауып, ортамызда аман-есен жүріңіз!

Алла тағала адамға үш рет жастық шақ сыйлайды екен. Біріншіден, екіншісінен өттіңіз. Енді үшіншісі қалды – 100 жасқа толғанда, сол үшінші жастық шаққа да аман есен жеткізіп, өміріңізді ұзарта берсін.

Бала-шағаңыздың, немерелеріңіздің ортасында темірқазықтай қалпыңыздан таймай, өмірдің қызығына кенеліп Майра тәтемізбен бірге жүре беріңіз.

Той тойға ұлассын!

Біз сізді жақсы көреміз, құрметтейміз.

Ғалия Хамитқызы.

Нар жүгін көтерген нағашы

Өмір деген өз ағысымен өте береді. Әр пенде өмірге келгесін сол ағысқа ілесіп, сайдан сайға құйып, бірде толқындатып, бірде сылдырап ағын су секілді өтетіні бар. Өмір ағысында адам сан түрлі күй кешеді. Сан түрлі оқиғаға тап болады. Сан түрлі есікті ашады. Сан түрлі өмірлік ғибрат жинайды екен. Біздің айтпағымыз, сол өмір ағысында тау суындай гүрілдеп, шөліркегеннің шөлін басатын, буырқанған толқындай алға ұмтыла алатын рухы мықты асыл жандар болады. Сол асыл жанның бірі – біздің Жабал нағашымыз. Жетпісті еңсеріп, ел ағасына айналған шақта, шабыттанып, нағашымыздың барлық өмірде көрсеткен жақсылығы мен қолдауын ақ қағаз бетінде ойыммен өрнектегіміз келеді.

Адамның ең жақын жұрты нағашы ғой. Анам үшін, анамның ақ абыройы үшін, анамның пәк көңілі үшін жиендеріне өз баласындай қамқорлық көрсете білген нағашымызды мақтан тұтып, бүкіл елге жар салғымыз келеді. Қамқорлық тек материалдық тұрғыда, тамағымыздың тоқ болуы, көйлегіміздің көк болуы емес. Нағашымның қамқорлығы ішкі рухымыздың бай болуына, адамдармен қарым-қатынасымыз дұрыс қалыптасуына, досқа адал, ағайынға, қоғамға адал болуымызға бағытталатын. Жиендердің ішкі көңіл-күйін біздің сөзімізден, ісімізден, жүріс-тұрысымыздан байқайтын. Ақылын сырлы сөзімен, қоңыр дауысымен, адал ниетімен жеткізе білетін. Жиендерінің өмірде аты озғанын қалап, қай жерде бәйгеге түссек те, үйде отырып тақымын қысатын жанашыр, арқасүйер нағашымыз болып жүрегімізден орын алған.

Атақ пен мансапты, байлық пен дәулетті екінші орынға қойып, ең бастысы өмірде үлкен парасат иесі болып қалуды үнемі қалайтын. Адамгершілік, қолдау, жол көрсету нағашымыздың өмірдегі басты қағидалары десек те болады.

Анамыз өмірден өтсе де, қасымызда арқасүйер нағашымыздың бар екені көңілімізге медет. Жығылсақ сүйейтін, сүрінсек арқамыздан қағып, тіреу бола алатын асыл нағашымыз туралы дастан жазсақ та көптік етпейді. Бойындағы ұлттық рухы арқасында талай мінбелерде халықтың көкейіне сүбелі сөздер

ұялатып, жастардың санасын ашып жүрген жайы бар. Қазақстан Республикасы Парламенті Сенатының депутаты лауазымында абыройлы іс атқарып, ел алдында ары таза, абзал жандардың қатарында жүргені қуантады. Бүгінде облыстық «Арқа ажары» газеті арқылы елдің тыныс-тіршілігін, мұң-мұқтажын жеткізіп, қоғамда белсенділік танытып, өз ісінде қошаметке ие болып келеді.

Бойында адамгершілік пен ізгілік қасиеті тұнып тұрған нағашымыздың көрсеткен жолымен адаспай келе жатқанымызға шүкіршілік айтамыз.

Жиендерінің атынан нағашымызды мерейлі жетпіс жасымен құттықтаймыз. Мерейіңіз асқақтай берсін! Отбасыңызға барлық жақсылықты тілейміз. Сіз біз үшін асылдың сынығы, тектінің тектісісіз!

Зарлық-Гүлмира, Темірбек-Гауһар.

Учусь у Вас. Горжусь Вами...

Не перестаю восхищаться мудростью казахского народа. Сколько добрых и точных слов сказано в адрес нағашы. Только у казахов такое трепетное отношение нағашы к своим жиен. Больше, чем сказано в народе о нағашы, я могу рассказать о Вас, мой нағашы Жабал.

Прежде всего, Вы особое место занимали в сердце нашей мамы. У вас была особая, я бы сказала,

телепатическая связь между собой. Вы чувствовали настроение, самочувствие друг друга на расстоянии. О такой братской любви можно только прочитать в книгах. И этому есть свои причины... Конечно, эта любовь перешла и на нас. На протяжении всей своей жизни, с самого детства и до сих пор я чувствую Вашу поддержку, заботу. Заботу такую, какую не каждый дядя совершает по отношению к своим племянникам. Несмотря на свою занятость на работе, Вы терпеливо водили меня ребенком к стоматологу, к другим врачам. Когда мы приезжали к вам на каникулы, Вы заботились о нашем духовном развитии: водили по музеям, театрам, покупали книги. Мой самый первый портфель, я помню, купили мне тоже Вы. В студенческие годы вы не позволяли нам жить в общежитии, мы дружно жили в вашей двушке. Места хватало всем: и студентам-племянникам, и родственникам, приехавшим с аула по разным делам.

На протяжении всей жизни Вы являетесь для меня нравственным маяком, на который я всегда держу курс. Но взрослея, я понимаю, что это огромная работа над собой, которая требует ежедневного титанического труда. Огромное трудолюбие, широта души, особенное чувство патриотизма, боль за свой народ, за нравственное воспитание подрастающего поколения даны не каждому человеку. И это все я нахожу у Вас. Я учусь у Вас. Я горжусь Вами.

Вы всегда казались нам сильным, стойким, и только однажды я увидела Ваши слезы: Вы плакали, как ребенок, у свежей могилы нашей мамы. И в тот момент я увидела в Вас того самого мальчишку, о котором вы писали в своих произведениях, того мальчика, который очень рано остался без матери. Слезы отчаяния и невосполнимой утраты жгли ваше лицо. Но в этот момент с вами не было сестры, которая держала бы вас за руку...

На протяжении всей жизни Вы с нашей мамой прожили «рука об руку». Безмерную любовь к брату, к его семье мама пронесла через всю свою жизнь. Мама называла Вас «бауырым», придавая этому слову особенную значимость...Сегодня, в Ваш юбилей, мама тоже трепетно и трогательно поздравила бы Вас, в первую очередь, прося у Всевышнего Вашего благополучия. От себя хочу добавить: дядя Жабал, мы Вас очень любим, ценим, уважаем. В Вашем лице я всегда нахожу отражение своей любимой мамочки. Желаю, пусть у Вас всегда хватает здоровья, чтобы творить, сил, чтобы добиваться, стремления, чтобы мечтать, терпения, чтобы удержать все то, чего уже достигли. Желаю, чтобы всегда оставались таким же добрым, открытым и мужественным человеком, ярким примером достоинства, мудрости и ума. Желаю Вам долгой счастливой жизни. С днем рождения, Нағашы!

Сержан-Бибигуль.

Ауылымыздың жанашыры

Қасиетті Қарағаш ауылы жақсы мен жайсанның түлеп ұшып алаш аспанында жарқырай жайнап шок жұлдыздай сәулесін төккен жұлдыздарын өмірге әкелген ақ бесік. Сөз әлібін әріден сабақтасақ бұл төңіректе өздерінің озық ойымен, ақыл-парасатымен есімдері ел есінде жатталған ұлы тұлғалар аз болмаған. Соның бірі Жаңабатыр бабамыз. Тек деген тегін дүние емес. Тегінде қасиет бардың қап түбінде жатпайтындығы ақиқат. Атақ-даңқы алысқа кеткен Жаңабатыр бабамыздың бір ұрпағы Жабал інім.

Әскер міндетін өтеп келген соң облыстық «Көкшетау правдасы» газетінде еңбек жолын бастады. Қаламы қатая келе ел сөзін айтатын тұлғалы азаматқа айналды. Облыстық мәслихаттың депутаты болып жүрген кезінде де өңірдегі қоғамдық өміріміздің түйткілді мәселелерін шешуге бел буып араласты. Кейін қалың ел сенім білдіріп Қазақстан Республикасы Парламенті Сенатының депутаты болды. Айтар сөздің арнасы кеңейе түсті.

Елге де шарапаты аз тиген жоқ. 2014 жылы Қарағаштың құтты топырағына Алланың жердегі үйі мешітті салып беріп, қалың елді имандылыққа ұйытты.

Бүгінгі мерейлі мерекеде жалпақ жұрттың жақсы азаматы, ауылымыздың жан аямас жанашыры Жабал Ерғалиұлына шығармашылық табыс, мықты денсаулық, отбасының амандығын тілейміз

Ізгі тілекпен, ағаң Айтмұханбет жеңген Бақыт .

Қазақтың қайсар қайраткері

*Нұрлы аймаққа сіңді орасан еңбегің.
Кәкімбек Салықов.*

Жабал Ерғалиұлы! Бұл есімнің менің, менің ауылдастарымның, халықтың жадында жатталғанына бірталай жылдар өтіпті. Осы уақытта қазақ әдебиетіне, журналистика саласына қаншама жазушылар қосылды, қосылып жатыр. Алайда сол қылқалам иелерінің арасында жұлдызы жарқырап, дараланып, басқалардан бір бас жоғары тұратын жазушы, драматург Жабал ағамыз.

Жабал Ерғалиев төменнен өсіп, биікке көтерілген. Еңбек жолын «Көкшетау правдасы» газетінде кіші қызметкер болудан бастап, тәжірибесі толығып, сол газеттің бір бөлімін басқарып, кейін редактордың орынбасары, сәлден соң бас редакторы болды. 2005 жылы Ақмола облыстық «Арқа ажары» газетінде бас редактор болып тағайындалды. Осы еңбек жолында қаламгерлік пен қайраткерлікті бірге ала жүрді. Жазушының шығармалары сахнада қойылып, прозалық шығармалары көпшілікке танылып жатты. 2011 жылы Жабал Ерғалиев Қазақстан Республикасы Парламенті Сенатының депутаты болып сайланды.

Жабал Ерғалиұлындай қайраткерлік қызметте

жүріп, қыруар шығармалар жазған жазушылар көп емес. «Сөне көрме жұлдыздар», «Ұлтым менің, ұлысым менің», «Қазақтың Қарасай батыры», «Хан көтерген ел едік ер ұланын», «Бұлтты түнгі толған Ай», «Жолсапар жалғаса береді», «Тәуелсіздік толғауы» атты кітаптары жарық көрді. «Бұлтты түнгі толған Ай» және «Тойғандар мен тозғандар» драмалық шығармалары Көкшетау қаласындағы Шахмет Құсайынов атындағы қазақ драма театрының сахнасында сәтті қойылып келеді.

Жазушының қай шығармасын оқысаң, өмір шындығын көресің. Жазушы өмір жолындағы көрген-білгенін, ойларын бүкпесіз, шыншыл күйде баяндаған. Аз сөзбен көп мағына, терең ой-толғаныстарын білдіреді. Туындыларының қай-қайсы болмасын оқырманның ыстық лебізіне, ықыласына бөленген. Ауыл өмірі, қазақ келбеті, тарихи шындық, Отан, отбасы тақырыптары, ата-баба рухы шығармаларына арқау болды. Ең бастысы, жазушы ағамыздың бойында бар ұлттық рух, таусылмас күш-жігер кейіпкерлерінің бойынан табылып жатады. Жазушылық шеберлігі мықты, білімі терең, интеллекті күшті деп білемін. Жабал Ерғалиев бір сөзінде: «Қазақ халқының тарих төрінде мәңгілік жасауы үшін ең әуелі оның өз тілі мәңгілік жасауы керек. Ал біз болсақ, өз ана тілімізге өлмейтіндей мәңгілік жан бере аламыз ба? Туған тіліміздің жасау, жасамау мәселесі саудаға

түсіп отырған шақта қазақтың дейтін әрбір жан иесін осындай сауал толғандырса керек еді! – деп туған тілімізге жанашырлық танытса, енді бір сөзінде: «Жарық дүниеге дені сау, жаны таза ұрпақ әкеліп, сол ұрпағын адал сүтімен асырап, қазақ елінің тағдырын өз қолында ұстай алатын ұл-қыз өсіруіне әлдеқайда мән беруге тиіспіз», – дейді ұлтының асыл ұрпағы. Осы екі үзіндінің өзінен туған халқына деген жанашырлық, болашағына алаңдайтын ізгі жүрек, терең мағына, парасаттық көреміз. Болашақ ұрпаққа, өсіп келе жатқан жастарға берері мол үлкен тәрбие. Әр кезде, әр сәтте қаны қазақ, жаны қазақ ұрпақ тәрбиелеу мәселесіне аса мән береді. Әсіресе, қыз бала тәрбиесі, қызды сыйлау, аялай білу, қыз баланың қоғамда қадір-қасиетінің артуы мәселесіне ден қойып, қазақ әйелі мәселесін шешуге үлес қосып жүр.

Мен ұстаз ретінде ұрпақты оқыту мен тәрбиелеу жолында жүргендіктен, өз сабақтарымда тәлімгер жазушының шығармаларынан үзінді, тәлім мен тәрбиеге толы сөздерін көп қолданамын, айтып жүремін. Және оны міндетім деп санаймын. Қаламгердің: «...есін де, иесін де, киесін де жоғалтпаған ел екендігіміз рас болса, қыз баламызды жылатпайық, қыз баламызды қорламайық, қыз баламызды ешкімге де қорлатпайық!» – деген тағылымды сөздері қазақтың әр баласының санасына жетіп, өмірлік ұстанымдарының біріне айналуға тиіс деп білемін.

Жабал ағаның өзінің туған еліне, ағайын-туғандарына, дос-жарандарына деген қамқорлығында шек жоқ. Кіндік қаны тамған Қарағаш ауылына жиі келіп, өзекті мәселелерін шешуге ат салысып тұрады. Қазақтың төрінен ойып орын алған ағамыз асқан қарапайымдылықпен, үлкен жанашырлықпен ауылдастарына қарайласады. Ауылымызда мешіт салдырып, тұрғындар мен өскелең ұрпақтың имандылыққа, парасаттылыққа көбірек бет бұруына себепші болды. «Жақсылыққа сусап отырған» өмірде адам баласын бақытты етуге, ауылдастарына қолынан келген жақсылығын беруде аянбайды. Сонымен қатар, басқаларды да осындай ізгі еске шақырып: «Адамдарға бақыт сыйла, қуаныш әкел, жақсылық жаса! Өйткені сен – Адамсың!» – дейді қайраткер ағамыз. Ұлттық рухта тәрбие алып, бар болмысымен, жан-тәнімен халқын сүйген жазушы қазіргі кезде жігерсіздеу, пендешілікке көп бағынатын қазаққа рухты қайта толтырудың негізгі көзі ретінде ерлікке, ізгілікке, отаншылдыққа толы тарихымызға жол сілтейді. Ұлтымыздың әрбір саналы азаматы туған тарихын біліп, тілін құрметтеп, дінін берік ұстануы үшін еңбектеніп келеді. Осы дүниелер әр қазақ баласының қасиет тұтар дүниесіне айналуын мақсат етеді. Ел алдында тұрған міндеттерді өз міндеті деп санайды. «Адалдық – жан тазалығы» деп білген қайраткер баршаны адалдыққа үндейді,

тек адал сөйлеп, адал көңілмен еңбектену керектігін назарда ұстайды.

Осындай адами биік қасиеттердің иесі, тума талант, қоғам қайраткері, ардақты ағамыз, абыройлы жерлесіміз Жабал Ерғалиұлы биыл қазан айында 70 жасқа толғалы отыр.

Осы мерейтойыңызбен құттықтаймын! Мерейіңіз, абыройыңыз арта түссін, ғұмыр жасыңыз ұзақ болсын, **АРДАҚТЫ АҒА!**

Гүлнар Ғабдуллина,
Қарағаш орта мектебінің директоры,
қазақ тілі мен әдебиеті пәнінің мұғалімі.

Дара да дана бауырым

Міне, 1952 жыл 30 қазаннан бастап бүгінге дейін арада 70 жыл уақыт өтіп, сен 70-ке толып отырсың! Қайырлы құтты болсын! Бұл өмір аралығындағы жайды жазып өту ешкімге де мүмкін емес шығар. «Қанаты бүтін сұңқар, тұяғы бүтін тұлпар жоқ», – демекші өмірдің өкпек жері, кәтепті қара нарға жүк болар ауыртпалығы жалғыз біздің басымыздан емес, кімнің басынан не өтпей жатыр. Кімде мұң жоқ? Бүгінгі күнде әке-шешемізді былай қойғанда, бар бауырымыз ол дүниелік болып, екеуіміз ғана қалыппыз. Әрбір бауырымызды жоғалту бізге оңай соққан

жок. Тіршілікте алдыңнан шығып қарсы алсам, ертеңгі күні мені шығарып салсын деп тілеймін. Біздің тілек – сенің амандығың.

Иә, анамыздан ерте айырылдық. Әрине оңай болған жоқ. Жанымызға батқан жайлар да болған шығар. Дегенмен, қазіргі уақытта емес, бейжай бір кезде өмір өткен сияқты. Бірінші құдайдың, екінші әкеміздің арқасында не болса да өсіп ер жеттік. Өз қара басым жас болсам да ерте есейгендей сендерді бақтым. Қайрия 13-те, мен 12-де едім. Әсіресе, сен бертінге дейін «6 жасымда анадан жетім қалғанмын», – деп көп айтып жүрдің. Сонда менің жүрегім қатты езілуші еді. «Япырай өгейліктен бір қатыгездік көріп, сол көкейінен кетпей қойды ма екен», – деп.

Өз қара басым «өгей, жетім» деген аязды сөзді айтпайтынмын да, естіген де жоқ шығармын деп ойлаймын. Бұл күнде, құдайға шүкір, аналары ер жеткенше тәрбиелеген жандардан кем емес сияқтымыз-ау деймін. Сен бірде сөйлеген сөзіңде: «Мына заманда өзінді-өзің мақта, әйтпесе сені ешкім мақтамас», – деген едің. Сол сияқты айтып жатқаным болар. Шынында, қыздар болсақ қандай шаруа болсын меңгердік. Біздің істеген шаруамызды істей алмайтындардың қарасы көп-ақ. Сен болсаң, өзінді-өзің тәрбиелеп, Алланың берген бағыты шығар, әкемің айтқан бір қасиетті сөзін ойыңнан шығармай, теріске кетпей, саналы да сабырлы болып, елдің елеулі,

одан да биік қадірлі азаматы болып ер жеттің. Тәубе, асыра айтқаным емес. Әкем айтқан екен саған. Сені атам сен тумай тұрып тілеген. Үш қыздан кейін ұл бала болады деп түсінде көрген екен. Туған соң есіміңді қасиетті егіз тау болған, сондай биік болсын деп – Жабал қойған. Сені маған да тербеткізбей, таяғымен тартып алып өзі тербетіп, ие болатын. Құранын, намазын оқып, сені де жамандықтан аулақ болсын деп оқыды-ау деймін.

Саған шылым тартып, арақ ішуге де болмайды депті, тегі әскерде жүргенде айтқан болу керек әкем. Ол жақта бүлініп кетпесін деген шығар-ау. Жоқ, ол жақта да өзінді жақсы жағынан көрсетіп, үйге жақсы лебізде әскери басшылардан хат келіп, сол жақтағы газеттерге жазған мақала-суреттерің келіп тұратын. «Екінші егіз таудың Қабал атын өзімнің төрт «қалиым» соғыста хабарсыз кетіп, қолда қалған ұлым Ергалидың соңынан ерген Қайырғали сияқты Жабалдың соңынан ерсін деп Қайырғалидың тұңғыш ұлына Қабал деп қойдым», – деген екен атамыз Жұмжұма. Ағаның шешесі, біздің әжеміз, ағаға ерік бермей, бәріне өзі билік жүргізген ғой Нұрила апамыз. Аға үйдегі балалардың кім аталып жатқанынан да бейхабар болса керек. Бірде баланың тууы туралы куәлік қажет болып, тиісті орыннан баланың атын Серік деп жаздырып алыпты. Сонымен өзі Қабал, қағазда Серік атанған ініміз Жабалдан бір

жасқа жетпестей ғана кішілігі бар. Қазір Теміртауда үйлі-күйлі болып өмір сүріп жатыр.

Сонымен біздер де біреу құрлы өсіп-өнгендейміз, Алланың жазған тағдырымен. Біздің кішкентай кезімізде бізді бауырларына басып, шын жандары ашыған, жыласақ жылаған, күлсек күлген деген дейтін жандар – ол «Апам үйі». Олар Ахмет атам, Күлімжан апам, Иманбай аға, Ұмсын жеңге, Рэзия тәте, Зәкен жездеміз еді. Барлығы өмірден өткен. Ол дүниенің рахатына бөленсін! «Ашаршылықта жеген құйқаның дәмі ауыздан кетпес» деген де нақыл бар ғой. Мейлінше өте дұрыс айтылған. Ешкім аш болған жоқ қой, мал бар, әкеміз арба-арба бидай әкелетін еңбек ақысына. Сол кісілердің қамқорлықтары әлі көкейден кетпейді. Қазіргі күнге дейін сол кісілердің ұрпақтары ең жақын туыстарымыз сияқты. Жақын туыстар да бар ғой. Ешкім ешкімге міндетті емес. Еңбектеп тұра бастаған соң бәрі туыс, бәрі бауыр. Ешкімнің көңіліне келмесін! Шешеміз қайтқанға 63 жыл өтіпті. Сол 63 жылдағы іштегі бір шемен шығар, сыртқа бусап шығып жатқан. Өмірде не болмас. Жасымай ер жеттік. Қазіргі уақытта сен жалғыз біздің ғана жан ашыр бауырымыз емес, сені барлық ағайын-туыс, ел-жұрт, жора-жолдастарың іздеп отырады. Сен қатыспаған жиында да сенің болмағаның білініп тұрады. Сені жалғыз елге емес, Қазақстанға ардақты азамат десем де артық емес.

Сенің әрбір сөздерің, пікірлерің, бір жерде айтылған сөзің екінші жерде қайталанбайтыны, айтар ойың, адамға берер бағаң – түйдек-түйдегімен айтылып жататыны тамаша. Әттең, осы бір сөздеріңнің бәрін жазып отырса ғой деп ойлаушы едім.

«Өз қолым өз аузыма жетті», – деп қарап отырып қалған жоқсың. Шамаң келгенше қолыңнан келер көмектен аялған жоқсың. Елге де пайдаң тимей қалған жоқ шығар. Оны да ел, ағайын, туыстар айта жатар. Осы уақытқа дейін дамыл таппай ол дүниелік болған ата-бабаларымыздың рухын көтерудесің. Ата-әжелеріміздің, әке-шешелеріміздің, қараусыз қалған туыстардың бейітін жаңалап қалап жатырсың, сауаптан болсын! Әкемнің соғыста кеткен бауырларына да есімдерін жазғызып ескерткіш тас орнатуың екiнiң бiрiнiң ойына келе берер жайт емес жаным. Сол ата бабаларымыздың, барлық аруақтардың рухтары тілекші болып, сені пәле-жаладан аман сақтап жүрсін! Бойыңа күш-қайрат беріп, әрдайым тың жүр. Ел-елдегі, жер-жердегі барлық үлкендердің, дуалы-зиялы адамдардың баталары қабыл болсын. Ауырма. Жанұян, бала-шағаң аман болып, Майра екеуің 100 жасаңдар! Немере-шөберенің қызығын көріңдер. Менің пайымдауымша сен сияқты азамат өмірге мың жылда бір келер ме екен?! Жасай бер, менің жайсаң да, дара да дана бауырым!

**Тілектес апайың –
Айтжамал.**

Біз сізбен мақтанамыз!

70-ке толып жатқан мерейтой қайырлы құтты болсын!

Сіз біздер үшін аса қадірлі де, құрметті нағашысыз. Біз анамызға қандай тілек тілесек, сізге де сондай тілек тілейміз. Сіздер бір-біріңізге қандай қамқоршы екендеріңіз біздің бала күнімізден құлағымызға құйып, көкейімізге қонған. Атам қазақта көкірегінде сәулесі бар перзенттің нағашы жұртын қадір тұтқан. Баланың нағашыға тартып туады дейтін сөзінде де бір шындық бар. Біз өзіміздің нағашы жұртымызды әрдайым мақтан тұтамыз. Оның ішінде киелі Көкшенің көркем перзенті, өзінің ақыл-ойы, пайымды парасаты, адамгершілік ажарымен, кісілік келбетімен ерекшеленетін Сізбен мақтанамыз. Қас тұлпардың қара жердің танабын қуырған дүбірі алыстан естілетіні тәрізді, Ел сөзін сөйлеген, халықтың көкейінде жүрген мұңын мұндаған, жоғын жоқтаған аталы сөзіңіз құлағымызға шалынған сайын міне біздің нағашымыз деп көкірегімізде мақтаныш сезімі кернейді. Сіз шыққан биіктің ешқашан аласырмайтыны белгілі. Ел үшін туған ерлердің еңсесі қашанда асқақ, тұғырлы. Көркем Көкшетауды көгілдір тауларсыз көз алдына елестете алмайсыз. Сол таулардың ішінде Оқжетпес бейнесі көш жерден көзіңе түспейме. Елдің өзге ерлерін төмендету емес, Сіздің біздің көкейімізде

жүрген бейнеңізді анықтау үшін тіл ұшына оралған теңеуіміз ғой. Біз үшін көз жеткенімен, қол жетпейтін асқақ тұғырлы, ұшар басын ақша бұлттар ораған Оқ-жетпес пішіндес нағашымызсыз.

Ауырмай, қартаймай жасыңыз жүзге жетіп, биіктен көріне беріңіз!

Ізгі тілекпен жиендеріңіз: Әсел, Мақсұт-Кенжегүл, Қуаныш-Ойрат, Жадыра, Қорлан-Еділ, Шолпан, Дианара, Аягүл-Алмаз, Әділ.

Жанымыздай жақсы көретін Жабал Ата!

70 жасыңыз құтты болсын! Мен туғанда атам ең бірінші сізге көрсетіпті «Сенің азаматтық жолыңды берсін, аузына түкір», – деп кішкентай кезімде. Ескіден келе жатқан халықтың ырымы. Халық айтса қалт айтпайды ғой, бәлкім шындық та шығар. Біздің үйге Сіз келгенде «Президент келді», – дейді скенмін. Телевизордан көргенде де «Президентті көрсетіп жатыр», – дейді екенмін. Бүгінгі күні елге тұтқа болар ұлтжандылығыңыз, мемлекетшілдігіңіз сәби кезімде айтқан сөзбенен тұспа-тұс келіп отыр. Мүмкін аузыма Алла салған шығар. Жанымыздай жақсы көретін Жабал ата мен Сізге баянды бақыт, мықты денсаулық тілеймін!

**Мен Өсербай атамның немересі
Ұлан Өсербаймын және Ағлан бар.**



Айтжамал апасының ұл-қыздары мен жиендері құшағында



Зайыбы Майра келіндері Гүлжан, Нүрсүлу, кызы Назгүлмен бірге




Сәби келді өмірге... Перзентхана алдындағы қуаныш



Қария апасының ұрлағы



Жиеннің жүзі сүйкімді, атасының құшағында Диана



Бурабай баурайындағы бас қосу



Атаның ыстық құшағыЖабал Ерғалиұлы жиендері Даниал және Дианамен



Нағашымен жүздескенде



**Атасының мейірімін төккен немерелері
Аяна мен Ернұр**



**Майра Тортайқызы, қыздары Назгүл және
отағасы Жабал Ерғалиұлы**



**Табиғат құшағында Жабал Ерғалиұлы
немересі Ернұр, жиені Даниалмен бірге**



**Ата жұрт жүрер көкейде. Ұлы Расул,
немерелері Айана мен Ернұр атасы
Жабал Ерғалиұлымен бірге**



Жабал Ерғалиұлы апасы Айтжамалмен бірге



Киелі ата жұрт топырағы



Туған-туыстар ортасында



Ұлы Расул мен інілері ортаға алып...

Өнердің де өз адамы

Достар, достар жүрсің қайда,
Бірге еді ғой жанымыз.
Еске алысып, осындайда,
Кел шырқайық бәріміз.

Сыныптасым туралы айтуды жөн көрдім. Сөз өнері арқылы сезім мен қуаныш-қайғыны, шаттық пен жақсылықты арқау еткен жаны жайсаң жанның бірі Қарағаш ауылының тумасы Жабал Ерғалиұлы. Сөз өнері арқылы біреуді риза етуге, көңілін жайландыруға, қиын-қыстау жағдайларда дем беруге, қол ұшын созуға, жігерлендіруге жаралған адам. Сөздің оңы мен терісіне, өңі мен астарына айрықша мән беріп, сылдырап аққан бұлақтай сазды үнімен халық әндерін шырқап, айналасына қуаныш сыйлаған Жабал ерекше шешен адам. Жас кезінде «достарым, мені түсінбейсіңдер» дейтін, біз ол кезде сөзге мән бермейміз ғой. Кейін мен Қарағаш ауылына келін болып түстім. Ол кезде Жабал әскерде болатын. Жолдасым Сырымбет Досмұқанұлы Жабалмен аталас екен, яғни, Жабалдың жеңгесі болып шыға келдім. Әскерден келгенде оның қуанғаны-ай.

Жабал өзінің тірлігімен, тамыры тереңде жатқан ойлы, мағыналы талғамымен, сөз шендігімен сенатор болды. Жабал туралы көп жаза беруге болады, қаншама елден алған мақтаулары, төс белгілері

бар, тек Алла тіл көзден сақтап, аман жүрсін, сыныптасым! Сөз соңында айтарым Көкше елінің құрметті азаматы, биыл қазан айының 31 жұлдызында 70 жасқа толады. Майра екеуің бір жастықта әдемі кәрілікпен ұзақ жасаңыздар, Алланың берген күш-қуатымен зор денсаулық тілеймін!

**Сыныптасың: зейнеткер-ұстаз
Айман Рақымжанқызы.**

Тектінің тұяғы

Жабал аға жайлы көп айтуға болады. Жабал аға саналы ғұмырын халыққа арнап келе жатқан күрескер, қайраткер тұлға! Сөзбен ісі қатар жүрген, сөз құдіретін қастерлей білген, қасиетті Ақ бесік Қарағаштан түлеп ұшқан, қырандай қанатын кеңге жайған, бәйгенің алдын бермейтін жүйріктей көсіле шапқан дарабоз асыл азамат!

Кездесе қалғанда әрбір сөзін санамызға сіңіріп, ел, жер, қоғам жайында айтқан ордалы ойларын тыңдауға құмартып, тағы айта түссе екен деп отыратынымыз бар. Әрбір сөзін жоғары талғаммен сөйлер ағамыз ауыл тарихы жайлы толғағанда тындай бергім келеді, тындай бергім. Елдің шежіресі іспетті. Есте жоқ ескі кезеңнен сыр сабақтағанда кейінгі жастарға үлгі болатын өнегелі сөздің өрімін жаңғыртып әдемі мысал қылып айтады. Сол асыл сөздерден арыдағы аталары-

мыздың туған жер, келер ұрпақтың қамы үшін атқарған қыруар шаруасын біліп, шын көңілден риза болып қаламыз. Бүгінгі жастарды аруақты аталарымыздың өміршең өнегесінен ғибрат алып, тал шыбықтай таралып өссе екен, ел мен жерге шарапаты тиіп, перзенттік борыштарын адал атқарса көркейер едік. Шын мәнінде тек деген ұғымның тегін айтылмайтындығы белгілі. Жабал ағам жан сүйсінтер жарасымды сөзінде «Сенің есті бабаң Есім, өз атаң Шашты, әкең Сырымбет тектінің ұрпағысың айнайлайын! Биік жүр» дейгіні бар. Осы сөзі маған аманат арқалатқандай. Арыдаға атам Шашты, әкем Сырымбетке ұқсағым келіп кетеді.

Елімізге мешіт салып, бес уақыт намазын қаза қылмайтын құдай жолындағы жандарға жағдай жасап, ауылдың басқа да шаруашылық жағдайына қарайласып жүрген ағамызға Алла разы болсын!

Жетпісіңіз құтты болсын! Жүзге жетіңіз!

**Бейбіт Сырымбетұлы,
Абай ауылдық округінің әкімі.**

Адал тері маңдайдан тамшылаған!

Сіздің Қазақстанның мәдени және рухани құндылықтарын сақтап қалудағы ағартушылық және шығармашылық еңбегіңіз саналы ғұмырыңыздың негізгі азаматтық ұстанымына айналған.

Қазақ халқының салт-дәстүрлерін дамыту мен сақтауда, әсіресе, халық игілігі жолында адамгершілік, отаншылдық идеяларын қалыптастырудағы қосқан үлесіңіз үлкен құрметке лайық.

Сізді адал тері маңдайынан тамшыласа да, намыс оты жан тәнін қамшыласа да жасымаған, бағы жанса тасымаған, өмірі өнегелі, ұрпаққа үлгісі мол ақыл-ғөй ақсақал, алтын көпірдің шірімейтін шегесі, еңбекте де қажыр-қайратымен абырой биігінен көріне білген жан деп ерекше сыйлаймыз.

Бүгінгі ерекше күні Сіздің деніңізге саулық, игілікті ісіңізге толағай табыс, отбасыңызға амандық, бақ-береке тілейміз.

Өмір – өзен жақсылығын жалғасын,
Тіршілікте тек сәттілік қолдасын.
Мақтанамыз, шаттанамыз қашанда,
Арамызда сіздей аға болғасын.

Көтеріліп қалатұғын көңіл-күй,
Мерейтойлар белесі ғой өмірдің.
Биігіне шығып Сіз де отырсыз,
Жетпіс деген сәтті ғұмыр-белестің.

Жалғасатын жақсылыққа бұл деген,
Адамның бұл арман шағы гүлдеген.
Өзіңізге ақ тілектер арнаймыз
Жүрегімізден ақтарылған жырменен.

Өмір жолы таусылмайтын мәңгілік,
Тұрсын алдан арйланып таң күліп.
Бақыт болсын әрқашанда жолығар,
Шаттығыңыз тау суындай молығар.

Күміс күлкі жүзіңізден арылмасын,
Болсын дейміз әрдайым бағың басым.
Отбасына тілейміз біз амандық,
Жаратқан дәйім Сізді жарылқасын.

Игі тілекпен: Назаровтар әулеті.

Қадірлі қайным – Жабал!

70 жасқа толып жатқан мерейлі той қайырлы құтты болсын.

Денің сау болып, ауырмай-сырқамай бақытты шаттықта ұзақ өмір сүруге жазсын! Абырой атың тек биіктен көрінетін болсын. Біз соған тілектеспіз.

Немере-шөберенің қызығын көріп Майра екеуің 100 жасаңдар! Әрі бауырым, әрі қайным саған бар жақсылықты тілеймін!

**Ізгі тілекпен Шариповтар әулетінен
жеңгең Майшарап.**

Құрметті Жабал Ерғалиұлы

Ел ағасы, халық қалаулысы, ақыл-парасаты мол, елімізге танымал азамат ретінде Өзіңізді құрметтейміз, мақтаныш етеміз. Анамыздың бауыры ретінде бізге деген кіршіксіз таза көңіліңізге, ақ адал жүрегіңіз бен шынайы мейіріміңізге, ағалық тілектестігіңізге шын көңілден ризамыз.

Мерейлі 70 жасыңыз құтты болсын! Ел ақсақалы санатындағы саналы ғұмырыңыз ұзақ та баянды, мағыналы болуына тілектеспіз. Сізге деніңіздің саулығын, шаңырағыңызға ырыс байлығын, ұрпағыңыздың амандығын тілейміз.

Ізгіліктің нұрын шашар маңайға,
Адамсыз ғой үлгі болар талайға.
Жақсылықты өзіңізден көп көрген,
Ұмытпайды туған-туыс қалайда!

Үлгі болған үлкенге де жасқа да,
Сыйлар Сізді туған-туыс, басқа да.
Бақытты боп бұл өмірде мәңгілік,
Қуатыңыз таусылмасын 100 жаста да!

**Игі тілекпен Егимбаевтар және
Бижановтар отбасы.**

Ағаның алды – ақ жайлау

Құрметті, менің арқа сүйер, жанашыр ағам Жабал Ерғалиұлы! Мерейтойыңыз құтты болсын! Жасай беріңіз!

Әкеміз Қайырғали Қаппасұлы 49 мүшел жасында дүниеден өтті. Жиырмадан жаңа асқан шағымда Қаппас әулетінің шаңырағына ие болып қалдым. Ес біліп, өмір атты тұлпардың тізгінің ұстаған күннен бастап, өз басым, өз отбасыма деген Жабал ағамның қолдауы мықты болды. Әлі күнге дейін көз алдынан таса қылмай жанынан іздеп тұратын ағам Жабал! Аллаға мың да бір шүкір!

Өмір – қиындығы мен қызығы қатар жүретін, машақаты мол бұлыңғыр тіршілік. 1983 жылы жұбайым Айгүлмен отау құрдым. Үйлі-күйлі болдық, әулеттің қара шаңырағын түтетіп отырмыз. Ұлдарымызды ұяға, қызымызды қияға қондырған жайымыз бар. Жабал ағаммен Майра жеңгем бір тойымызды таса қылмай, қызығымызда бірге болып жүр, қиындығымызда да қасымыздан табылып, қол ұшын беруден жаңылған емес. Аға қамқорлығын, жан дүниенді елжірететін жанашырлығын сезінген сайын көңілім көктем болады. Әрдайым ақыл-кеңесін беріп, жөн сілтеп әулетке қатысты бар шаруаны басқарып бауырмалдығын танытады.

Е, шіркін зулап жатқан өмір-ай! Ағамыз қай

жағынан болсын – бауырлық парызын да, ағалық міндетін де, перзенттік қарызын да адал өтеп жүрген адам. Себебі, ағалық, бауырлық өнеге көрсете біледі. Ол кісімен сөйлесіп, сырласқан кезімде жаным тазарып шығады. Осындай ағамның болғанына тәубешілік жасап, Жаратқанға мың да бір алғысымды жаудырып жүремін.

2016 жылы қаңтар айында денсаулығым сыр берді. Дәрігерлерге көрініп жүрдім. Қорытынды шешімді қолыма алған күні жүрегім зу ете түсті. Басымда ісік бар деген анықтама келді. Үйге келіп, жанымды қояр жер таба алмай, Жабал ағамға телефон соқтым. Ол, жылдары ағамыз Қазақстан Республикасы Парламенті Сенатының депутаты, Астана қаласында өз жұмысын атқарып жүрген кезі еді. «Серікқали, еш қобалжыма, уайымдама, бәрі жақсы болады! Барлық қағаздарыңды маған жібер, Астана қаласындағы мықты емханаға алдыртам сені!»,— деп жауап берді. Бір жұма өткен жоқ, Астана қаласындағы емханаға квота келді деген хабар жетті. 2016 жыл 2 ақпан күні ота жасауға дайындалды. Сегіз сағат ота жасалды. Ағам емхананың бас дәрігері мен барлық жан сақтау бөлімімен хабарласып тұрыпты. Мен, ұйқыдан оянды деген жақсы хабар естіген кезде, үйіне бірақ қайтқан. Жаны жайсан, бауырмал ағам Жабал мен жеңгем Майраға алғысым шексіз! Осы естелікті жазып отыруым,

әуелі Алла, содан соң Жабал ағамның арқасы деп білемін.

Әрбір адамның өзіне тән ғұмыр жолы, тіршілік баяны бар, бірақ еткен еңбек, көрген бейнет, татқан зейнет, алған асу, жеткен биік әркімнің өмірінде әрқилы. Оны сырт көз өздерінше бағалап та жатады. Сондағы жалпының іздейтіні біреу: ол – кісілік келбет, азаматтық тұлға. Оған – дәл осындай адами асқақ қасиетке, қанша ғұмыр кешкенімен, жеткен де бар, жетпеген де бар.

Өзінің өнегелі өмір соқпағында сыйластық пен адалдықтың ұлағатын ұлықтап, үлкенге құрмет, кішіге ізет болар ұлттық дәстүрлерді үкілеп келе жатқан Жабал ағамның жарты ғасырдан аса туыстығымыз жарасып келе жатқанын мақтан тұтамын. Сіздің мағыналы өміріңіздің, шуақты шаңырағыңыздың алтын діңгегі – өмірлік қосағыңыз Майра жеңгеммен, оның жалғасы, ертеңгі мәуелі жемісі – бауыр етіңіз балаларыңыз бен алтын асықтай немерелеріңіз. Бүгінгі 70 жасқа толған мерейлі мүшел тойыңызда өзіңізге денсаулық, ұзақ ғұмыр, әулетіңізге баянды бақыт тілеймін!

**Ізгі ниетпен,
Серікқали -Айгүл.**

Елін сүйген аға

Жабал Ергалиұлы ағамыз биыл 30-шы қазанда 70 жасқа толады. Жүйрік уақыттың ұшқыр қанаты ағамызды ғұмырының биік бір белестері алып 70 жасқа жеткізді. Ол кісі осы кемелдікке тың жігер, адал жүрек, жарқын көңілмен жетіп отыр. Осынау жылдар ішінде өмірдің талай белестерінен табысты өтіп, бүгінде еліне сыйлы азаматтардың бірі. Жалғыз Жаңабатыр әулетінің емес жалпы Қазақстанға аты шыққан атақты азамат, мақтаныш тұтатын асыл ағамыз.

Алматыдағы Қазақ Мемлекеттік университетінің журналистика факультетін бітірген. «Көкшетау правдасы» газетінде кіші әдеби қызметкер, бөлім менгерушісі, редактордың орынбасары, «Көкшетау», «Арқа ажары» газеттерінің бас редакторы қызметін атқарды. Қазақстан Республикасы Президентінен бастап әлденеше Министрліктердің Құрмет грамоталарымен, медальдарымен марапатталған. Қазақстан Жазушылар одағының мүшесі, Қазақстан Республикасы Парламенті Сенатының депутаты, айта берсем артық болмайды.

Жабал ағамның шығармалары әрқашан жүрекке жетеді, оқырмандардың көңілінен шығады. Сөйлеген сөздері адамды ойландырып, бір толқытып қояды, әрбір сөзі бір мағыналармен айтылады, жас ұр-

пақты адамгершілікке, адалдыққа, елін, жерін сүюге тәрбиелейді.

Уақыт – бұл біздің өміріміз. Бала кезімнен әкем Бірімжан Оқасұлы айтатын, Жабал ағаңнан үлгі ал, сондай болуға ұмтыл. Шіркін, әр әке баласына тек жақсылық ойлайды, өзі оқымаса да мені білімді болсын деп оқытты, соған бар күшін салды. Сол әкемнің сөзі, ағандай білімді бол дегені мені де жақсы жолға жетелеп келеді.

Жабал ағам әрқашан елінің қамын ойлайтын ер азамат. Келген сайын елдің амандығын, ағайын-туыстардың, шаруашылықтың қамын сұрап жатады. Ауыл үшін жолды ондауға, электр қуатына жаңа желі өткізуге көмек жасады, қазір шамдар жарқырап жанып тұр. Елімізге мешіт салып, ауылдың үлкендеріне намаз оқуға, құран, аят оқитын жер бар. Ол үлкен жетістік. Әрине, осымен тоқтамай өз ата-бабаларымызға ескерткіш орнатты. Жаңабатыр тұқымының ұрпақтары кімнен тарағандарын білсін деп. Сол үшін де ағамызға мың алғыс білдіремін өз жанұямның атынан. Майра жеңгемізбен бірге жүз жасай беріңіз. Балаларыңыз, немерелеріңіз әрқашан аман болып, сіздерді қуанта берсін.

Елубай-Сандуғаш.



Ет жүрегі елім деп соққан

Құрметті Жабал аға! Біз сізді жан жүрегімізбен жарқылдай қуана отырып құттықтап, мерекелі мерейтой күні Сізге денсаулығыңыз күйлі-қуатты, ғұмырыңыз ұзағынан, көрер қуанышыңыз молынан болсын деп тілейміз! Мерейіңіз үстем, қадір-қасиетіңіз арта берсін!

Жүйрік уақыттың ұшқыр қанаты Сізді мағыналы ғұмырыңыздың биік бір белесі – 70 жасқа алып жетті. Сіз осы кемелдікке тың жігер, жарқын көңілмен, тынымсыз еңбекпен келіп отырсыз. Ел үшін, туған ауылыңыз үшін жасаған еңбегіңіз, қадірлі, әрі баға жетпес жақсылық.

«Қарттары бар ел – қазынасы бар ел» – деген сөз бар халқымызда. Осынау жылдар ішінде өмірдің талай белестерінен табысты өтіп, бүгінде өркен жайған алып бәйтеректей үлкен бір әулеттің ақылшы тірегі, арқа сүйері болып отырсыз.

Әрбір адамның өзіне тән ғұмыр жолы, тіршілік баяны бар, бірақ еткен еңбек, көрген бейнет, татқан зейнет, алған асу, жеткен биік әркімнің өмірінде әрқилы. Оны сырт көз өздерінше бағалап та жатады. Сондағы жалпының іздейтіні біреу: ол – кісілік келбет, азаматтық тұлға. Оған – дәл осындай адами асқақ қасиетке, қанша ғұмыр кешкенімен, жеткен де бар, жетпеген де бар.

Өзіңіз өнегелі өмір соқпағында сыйластық пен туыстықтың ұлағатын ұлықтап, үлкенге құрмет, кішіге ізет болар ұлттық дәстүрлерді үкілеп келе жатқан, ел үшін еңбек етіп, бүгінгі күні осындай дәрежеге жеткен Сіздей аға барына мақтан тұтамыз.

70 жасқа толған мерейтойыңыз қайырлы-құтты болсын. Майра жеңгеміз екеуіңіз өнегелі өмір сүріп, бақыттың бағына бөленіп, ұл-қызыңыздың қызығы мен қуанышына, немере, жиендеріңіздің сүйіспеншілігіне бөленіп, ағайын-туыс ортасындағы алтын көпірдей қадірлі қалыптарыңызда жүруге тілектеспіз. Еңбекте де қажыр-қайратыңыздың арқасында талай абырой биігінен көрініп елге, ағайын-туысқа, ұрпағыңызға үлгі болған абзал жан ретінде өзіңізді танытып-ақ жүрсіз. Жүрегіңізге Алланың нұры құйылып, зор денсаулықпен жасай беріңіз.

Адай-Анар.

Өмірдің өрінде, көңілдің төрінде

Жан аға өміріңнің өріндесің,
Қарындас көңілінің төріндесің.
Қайда деп қарындасым іздегенде,
Мен де әркез, асыл аға қасындамын!

Асыл Ағамыз бар ақыл-парасатын, білімін, бай тәжіребесін туған елінің байлығын молайтуға, көрген халқының әл-ауқатын көтеруге, ұлтымыздың

көптеген көкейтесті мәселелерін көтеріп, елдің, жердің қамын ойлаумен келеді.

Қашан болсын, елінің атын шығарып, абыройын асқақтатып жүрген ағамыздың тұла бойыңыздағы жақсыға бітер қасиетіңізден, тереңнен тартар тектіліктілігіңізден, қарымды қаламгерлігіңізден, сұңғыла шешендігіңізден, шынайы ұлтжандылығыңыздан үлгі аламыз. Өзіңізді әрқашанда мақтан етіп жүреміз!

Барша ағайынға сыйлы да, беделді де Ағамызды мерей тойымен шын жүрегімізден құттықтаймыз! Сізге тек қана зор денсаулық, ұзақ ғұмыр, отбасыңыздың қызық-қуанышын тілеп, алда да үлкен абыройлы белестерден көріне беруіңізге шын жүректен тілектеспіз!

**Игі тілекпен,
Уәлихан-Нүргүл.**

Ардақты ӘКЕ!

Алыстан көрсең де, бауырында жүрсең де асқар таудай биіктігі бір төмендемеген біздің ардақты әкеміз! Сізді осы мерейлі жасқа толған торқалы тойыңызбен перзенттеріңіз ретінде ақ ниет, шын көңілден құттықтаймыз! Үлкен мен кішіге үлгі боларлық өнегелі өмір сүріп, бақыттың гүл бағында ұл-қыздарыңыздың қызығы мен қуанышына, немере, жи-

ендеріңіздің сүйіспеншілігіне бөленіп ұрпағыңызбен бір жасап келесіз. Ағайын-туыс ортасындағы нәзік байланысты, жақындардың арасындағы кір шалмаған қарым-қатынасты көздің қарашығындай сақтап келесіз. Өмір жолында еңбек сүйгіштік, қоғамдық белсенділікпен ерекшеленіп, нағыз азаматтық қасиеттерге ие ірі тұлға ретінде елдің игілігіне қызмет етіп, әлі де қолыңыздан қаламыңызды тастамай келесіз. Кейінгі буынға, жастарға жүріп өткен жолы үлгі болар абзал жан ретінде танылдыңыз. Туған елге деген сүйіспеншілігіңіз еліміздің іргетасы нығаюына үлкен үлес қостыңыз.

Бізді де мынау өмірде барынша адал жүріп, адал тұруға баулыдыңыз. Бүгінгі күні санамен салмақтап отырып, адастырмас ақ жол сілтегеніңіз үшін бауыр еті балаларыңыз ақ алғысын айтады. Ақыл таразысына салып қарасақ шынында да жан дүниенің адал, көкірегіннің иманды болғанына жетер байлық жоқ екен ғой. Бізге берген еншіңіз де, қолтығымыздан демер, өмірлік жан азығы болатын сәулелі салтанат, босағамызға байланар дәулет өміршең өнегеңіз бен тәлімді тәрбиеңіз. Біз сіздің осы бір адал да ақиқат жолындағы қылдан таймас кісілігіңізді, асқақ адамгершілігіңізді нысана-бағыт етіп ұстанамыз. Бізді де жаратқан ие асқаралы биікке, қырандар қонақтар қыратқа шығаратын болса ол ең алдымен өзіңізден алған өнегеміз деп білеміз.

Мынау жарық дүниеде көптің көңілін арбайтын бей опа байлыққа қызықпай, адал жүріп, адал тұруыңыздың өзі бізге көп нәрсені аңғартады. Иман-ды ұл, инабатты қыз тәрбиелей білген отбасы болса біздікіндей болсын. Ыстық ұянын шарапаты, әкенің махаббаты, ананың аяулы сезімі бәрінен қымбат!

Абзал әке! Айналаңыз қуаныш пен шаттыққа, бақыт пен табысқа, шат күлкі мен махаббатқа, мейірім мен қамқорлыққа толсын. Әр сәт сізге тек бақыт пен қуаныш сыйласын. Өзіңізге ұзақ ғұмыр, денсаулық тілейміз!

**Құрметпен балаларыңыз және келіндеріңіз
Шоқан-Гүлжан, Расул-Нұрсұлу.**

Жан шуағымен жылытатын жан ӘКЕМ!

Бүгін – ерекше күн.

Өйткені, бүгін мен үшін өмірдегі ең қымбат, ең асыл жан әкешімнің мерейтойы. Бүгін мен әкемнің алдында тұрып, бір сәт өзімнің балалық шағыма оралғым келеді. Мен үйдің кенжесімін, бауырларымның ортасында әрбір айтқан сөзім заң болып, махаббатқа бөленіп өстім.

Аялап, баптап, мәпелеп баққан әкемнің ерке қызымын, әлдилеп, мақтап жұлдызын жаққан, анамның жарық ізімін!

Ардақты әкешім, аяулы анашым осындай толық бақытым үшін сіздерге мың алғыс!

Сәби кезімнен әрбір сауалыма ерінбей жауап беріп, пікірімді тыңдай білген әкешім – шешімді өзіме қалдырып, өз таңдауымды жасауыма мүмкіндік беріп үнемі бағыттап жүретін керемет жан. Ес білгелі білімге баулып, білімнің құдіретін ұқтырған, өмірдегі басты ұстазым. Саналы ғұмырыңызда бізге ғана емес, ел-жұртқа болмысыңызбен өмірлік ұстаз болып келесіз.

Туған жерге, туған тілге деген құрметпен жасаған игілікті істеріңізді халқыңыз бағалап, еңбегіңіз еленіп бірнеше рет халық қалаулысы болып сайланып талай жылдар мүлтіксіз қызмет жасап келесіз.

Азаматтық абыройыңызға дақ түсірмей, осындай мерейлі жасқа аман-есен жетіп отырсыз.

Анам екеуіңізге Алла күш-қуат берсін, өмірдің барлық жақсылығын, рақатын көріп, немереден шөбере сүйіп мәңгі бірге жасай беріңіздер!

Күйеу балаңыз Ержан-қызыңыз Назгүл.

Ардақы атамыз біздің!

Сүйікті де қамқор ата! Мерейтойыңыз құтты болсын! Сізге ұзақ та шуақты өмір тілейміз. Барлық армандарыңыз бен жоспарларыңыз орындалсын. Жасыңызға жас қосылып, өміріңіз тек бақытты сәттерге

толы болсын. Бізге жасаған барлық жақсылығыңыз бен тәлімді тәрбиеніз үшін көптен-көп рахмет айтамыз. Көңіліңіз әрдайым көтеріңкі, деніңіз сау, ба-сыңыз аман болуына тілектеспіз.

**Сүйікті немерелеріңіз: Айана,
Ернұр, Даниял, Диана, Дархан.**

Өмірі – өнеге, тіршілігі – тәлім

Халқымыз өмірден көрген-түйгені де, келер ұрпаққа айтар ұлағатты сөзі де, өнеге тұтар ғибраты да мол қадірлі қарттарды асыл қазынаға балайды ғой. Еңбегімен елге танылып, адамгершілік қасиетімен зор құрметке бөленіп отырған ардагер ағамыз Ерғалиев Жабал Ерғалиұлы – Ақмола облысында ғана емес, еліміздің басқа өңірлерінде де есімі құрметпен аталатын зор мәртебелі тұлға.

Жабал ағаның ата-бабасының туған жері – қазіргі Тайынша ауданы, Абай ауылдық округінің Қарағаш ауылы. Ол осы елдегі Жұмжұма молланың бес ұлынан тірі қалған жалғыз немересі. Жұмжұма молланың туған ағасы Бабаназар Жаңабатырұлы сөзге шешен, от ауызды, орақ тілді ділмар қажы болса керек. Сондықтан да, ондай адамдарды ел ішіндегілер аса құрметтейтін. Қазақта тегін жерге терек өспейді деген нақыл бар, яғни, негізінде бар қасиет, түптің

түбінде бұр жаратыны сөзсіз екеніне ағамыз дәлел. XX ғасырда жасағандардың іс-әрекеті, ой-санасы да осыған ыңғайлас болғандықтан пешенелеріне бақты да, сорды да батпандап сыйлағанын тарих бетінен парақтап білдік. Таршылықты да, қиындықты да, жоқшылықты да көргеніне қарамастан рухани тәрбиенің бұлағынан нәр алды. Сондықтан, өмірге деген өзгеше көзқарас, еңбекқорлық, жігер, қажыр-қайрат пен адамгершілік сынды асыл қасиеттерге ие.

Сүйікті ісін, болашақ мамандығын таңдап, таңдауынан еш жаңылыспай ақпаратқа толы майданның жауынгері, жаңалық жаршысы болып журналистиканы таңдады. Билік пен бұқара арасында қоғамдық пікір қалыптастыратын көпір – журналистика әр кезде де адамгершілікпен тығыз байланысты. Сөз мәні мен құнын түсіндіріп, санамызға тоқуға үлкен үлесін қосып жатқан бірден-бір сала десе артық айтылмас. Адамның қасиеті адалдығы болса, маманның қасиеті білігінде. Яғни, өз ісін бүте-шүтесіне дейін біліп, міндетін абыроймен орындауында. Бұл – ағаның басты ұстанымы. Осы қағидасына өмір бойы адал және өзінің адамгершілік қасиеттерімен, еңбекқорлығымен, біліктілігімен әріптестерінің, туған-туысқандарының арасында орынды құрметке ие.

«Дүниеге жарық беріп, сәуле шашатын екі-ақ күш бар. Оның бірі – аспандағы күн, екіншісі жер-

дегі журналист», – депті Марк Твен. Жабал ағамыз – бүкіл саналы ғұмырын баспасөзге арнаған жанкешті журналист. Журналистика дәуірінің дүрілдеп тұрған шағында қалам тербеген ол маңдай терін моншақта-та жүріп, тәулікті-тәулікке жалғап еңбек етуі нағыз істің адамы екенін байқатады. Әділ сөз киесін, сөз құнарын, сөз қадірін, сөз өнерінің құпиясы мен сырын өмірбақи оқып үйренуге ұмтылды. Газет көрігінің ыстық-суығына шыңдалып, абыройлы қызметін бүгінгі күнге дейін жалғастыруда. Зейнетке шықса да, өлкенің өткенін зерттеу өзінің азаматтық міндеті деп санап, ардақты да атақты бабаларымыздың ұмыт қалған есімдерін қайта жаңғыртып, өткен жылы ата баба қонысына Жаңабатыр атамыздан тараған ұрпақтарының аттарын тасқа қашап жазып, алып ескерткіш тақта орнатты.

Ізгілік пен ізденімпаздық – шын таланттың мұраты. Шындап келгенде, көкірегі ояу адам өмір бойы өзін, өмірінің мәнін іздеумен өтеді. Айналысып жүрген жұмысы пайдалы һәм тиімді болғанымен, жанын жадыратар сүйікті ісі болмауы мүмкін. Қуаныш сыйлайтын, көңілінің пернесін дәл басар іс мүлдем басқа. Мейлі материалдық тұрғыдай пайда әкелмесе де, рухани азық беретін, жанын қоректендіретін, мұратына жеткізетін жолды іздеумен өтеді. Бұл шығармашыл, талантты адамдарға сай құбылыс. Ірі лауазымдық қызметтер мен ақындық шабытты

«қос қанат қағысындай, қос жүйрік жарысындай» тең ұстады, қазақ драматургиясының көшінде ойып тұрып орын алды. Қазақстанның түкпір-түкпірінде театр сахналарындағы қойылымдары бұған дәлел. Драматургия атты тарпаңға ер салу әркімнің қолынан келе бермейді. Батырлықты, ең бастысы, қоғамның ойындағысын дөп баса білетін алғырлықты қажет етеді. «Адам кіндік қаны тамған жердің табиғатына тартып туады» деген сөз бекер айтылмаса керек. Әр адамға өзінің кіндік қаны тамған, өсіп-өнген алтын ұясы, яғни, туған жері қашанда ыстық көрінеді. Ағаның шығармаларына сұлулықты, тазалықты өзек етуі туған жеріне, таңғажайып табиғатына тартқандығынан болар. Қаламынан шыққан әрбір туындысы көпшіліктің көңілдегісін дөп басады.

Жалғанда адам баласын абзал атына сай ететін үш қасиет бар. Олар – кісінің адамгершілігі, адал еңбегі және көркем мінезі. Осы үш қасиет те ағамыздың бойынан табылады. Төзім мен сабырды серік еткен ағам мәдениетті сөйлеуге, айтылар ойдың айқын және орынды болуына аса мән береді. Айналасына шуақ шашып, үлкенді де кішіні де сыйлай алар қасиеті бар, көңілін кір шалмаған кеңпейіл, ешкіммен есептеспейтін мәрт мінезді тұлға. Таланты да, еңбексүйгіш ісмерлігі де бір басына жетерлік.

Егемен еліміздің өркендеуіне қосып жүрген игі істеріңіз еселене түссін. Алла алдарыңыздағы жаңа

белестерді бағындыратын биік мұрат-мақсаттың шыңына жетелейтін күш-жігер, келісімді ауызбіршілік, отбасылық береке мен үкілі үміттеріңіздің орындалуын сыйласын. Сіздің барлық бастамаларыңызға ақ жол ашып, мол табыстар әкелсін. Елімізден қасиет кетпесін, шабытыңыздың шыңына ұшқан құс жетпесін.

Руслан-Жанар, Әскер-Жадыра.

Жан аға, жақсылығың көп!

«Ошақтың үш бұтының біреуі құласа, қазандағы сүт төгіледі», деген қырғыз мақалы бар. Сол ошақтың отын сөндірмей, үш аяғын тең ұстап, туыстың бірлігін ту еткен Жан Ағам - Жабал Ерғалиұлы туралы ой жазғалы отырмын.

Аға... Осы бір сөзді естігенде кім-кімнің де жүрегіне жылылық ұялайтыны аян. Өйткені, біріміздің көз алдымызға іні-қарындасын мойнына мінгізіп, арсаландай жүгірген ақкөңіл бозбала елестесе, екіншіміздің ойына інішегін көрші ауылдың бұзықтарынан қорғап, ешкімге ақысын жібермеу үшін күрестің қарапайым тәсілдерін үйретумен әлек болып жатқан жігіт елестейді. Бұл – балғын санада қалған суреттер біреу үшін есейе келе өзгергенімен, ағамның Алла тағалам пендеге несіп еткен ағалығы, бауырмалдық қасиеті мен үшін әрдайым биік тұрады. Ананың сүтімен дарыған әрбір жақсы қасиеттің

бәрін бір бойына сыйғызып тұрған ағамның ірілігін айту мен үшін үлгі, мен үшін мәртебе:

- Ең алдымен, ағамның кішіпейілдігін айтар болсам, қай қызметте болса да, көпшілікпен тез тіл табысып, адамның жасына да, ұлтына да, қызметіне де қарамастан үлкен-кішіге бірдей қарайтын қарапайымдылығы...

- Қай ортада болмасын жоққа жасымай, барға тасымай, өзін үнемі бірқалыпты ұстайтын сабырлылығы...

- Алла ризық еткен несібесін қашан да өзгелермен бөлісуге дайын тұратын жомарттығы...

- Мұқтаж жанды көрсе қамқорлығын аямай, көмектесуге барын салатын бауырмалдығы...

- Халқы үшін аянбай еңбек етіп, ұлтымыздың мәдени-тарихын, елін-жерін сүюді, дәстүрлі тәрбиені насихаттап, ар-намысты қорғауды арқау етіп келе жатқан ұлтжандылығы...

- Заманның ағымын, елдің қамын, саясаттың оң-солын аңғарып байыпты мінез танытып, болашақты болжай алатын сөзі де, ісі де еңгезердей бойы мен кесек тұлғасына жарасып тұрған парасаттылығы.

Талабы таудай болғанмен.

Ағаның сәні - інімен.

Бірлігі болсын туыстың,

Ұйыған майдай күбіден..., деп Жиренше шешен-

нің айтқанындай, аға болу жол. Жол көрсетіп, бағыт анықтау. Бұл жасқа қарамайды. Артқы дөңгелек алдыңғы дөңгелектің соңынан жүреді дегендей, аға бастап берген сараптал жолмен өзінен кейінгі іні-қарындастарының да жүрері анық.

Кейде ағамның басқан адымына әрдайым таңдана қараймын да, «менің осы жасымда ағам қандай белестерді бағындырып еді, ал мен не тындыра алдым?» деген сауалды өзіме қойғанда ағамды өзіммен мүлде салыстыруға келмейтінін түсінемін. Ол кісінің отызда орда бұзып, қырқында қамал алған мықтылығын, еңбекқорлығын, жетістіктерін мойындаймын. «Ағасы бардың жағасы бар» деген сөздің астында терең мағына мен бауырлар арасындағы шексіз махаббат жатыр. Қиналған кезде әркез қасымнан табылып, өзінің қамқорлығына алып жүретін мейірімі шексіз ірі тұлға. Иә, осындай мықты, алғыр ағам болғанына іштей шүкіршілік етіп, мақтанамын.

Адамның бағасын өзі емес, өзгелер қояды. Оның абыройын асырып асқақтататын да, атын ардақтап қадірлейтін де ел-жұрты. Ағамыздың адал, турашыл адам екенін Көкше жұрты түгел біледі. Сөзі өткір, жүзінде мейіріммен қоса талапшылдығы да бар жан әрбір жанға әкелік, ағалық, достық, аталық ақ батасын беріп отырады.

Еңбекте де қажыр-қайраттың арқасында талай абырой биігінен көрініп, қаншама жыл елі үшін

елеулі істер атқарған айтулы азамат болып отыр. Ағамның өнегелі өмірі, шығармалары, әрдайым қоғамның түйткіл мәселелері туралы айтқан қуатты сөздері, өткір сыны, ғылым, мәдениет, әдебиет саласында қарқынды еңбектері, өзі танып білген жандардың тағдыры жайлы жыр да, мақала да жазып жүреді. Солардың бірі кітап, журнал-газет бетінен жарық көріп жатса, бірі мұрағатында сақталып келеді.

Ағамның өмірін әр жылдарда жеткен жетістіктері мен алған марапаттауларының тәтті қантымен дәмделген немесе табыстарымен тұздықталған құрғақ сандардың тізбегіне айналдырғым келмейді. Себебі, оның бәрін де жұрт біліп отыр. Мен бір шаңырақтың астында ғұмыр кешіп жатқан ерлі-зайыптылардың сүйіспеншілік, сыйластық сынды сұлу қасиеттерді өзара бөліскен ерлі-зайыптылардың қарым-қатынасы туралы да айта кеткенді жөн көріп отырмын.

Жабал ағамыздың жан жары Майра Тортайқызы жеңгем де кеңпейіл, ақжарқын мінезі, көркі мен ақылдылығы, аса білімділігі көз тойдыратын, халқымыздың ұлттық дәстүр-салтын бойына сіңіріп, өмір сүру қалпына айналдырған ізгі жан. Ағамыздың жұмысына әрдайым түсіністікпен қарап, қолдап келеді. Әрдайым жеңгеміз ағамызды піріндей құрметтеп, ағамыз жеңгемізді сүйіспеншілікпен ардақтап, бірін-бірі түсінісуі мен үнсіз сыйласуы көпке өне-

ге. Екеуі бір шаруа шықса, бәрін ақылдасып шешіп отырады. Қандай қиындықты болсын жеңіп шығады, ащыны тәттіге, қараңғыны жарыққа айналдыра біледі. Елге қызмет ету мен отбасылық үйлесімділікті қатар ұштастырып келеді. Ағам түздің ғана емес, үйдің де шаруасымен айналысып, бәрін өзі реттеп жүреді. Ағайын-туыстың басын қосып, бәрін үйге шақырып, дастарқан жайып, көп қонақ келгенді жақсы көреді. Өзінің өнегелі өмір соқпағында сыйластық пен достықтың ұлағатын ұлықтап, үлкенге құрмет, кішіге ізет болар ұлттық дәстүрлерді үкілеп келе жатқан Ардақ тұтар абзал ағам осынау жылдар ішінде өмірдің талай белестерінен табысты өтіп, бүгінде өркен жайған алып бәйтеректей үлкен бір әулеттің ақылшы тірегі, арқа сүйері болып отыр.

Құрметті АҒА! Алланың қалауымен, Сіз мағыналы ғұмырыңыздың биік бір белесі ағалық ардақты асудан асып, 70 жас ақсақалдық мерейлі кезеңге көтеріліп отырсыз. Тағдыр ұзағынан сүйіндірсін, шаңырақтарыңыздан лайым шаттық, құт-береке үзбесін, мерейлеріңізді дәйім үстем етсін, кеңелтсін. Бала-шағаңыздың, немере-жиендеріңіздің ортасында темірқазықтай қалпыңыздан таймай, өмірдің қызығына кеңеліп жүре беріңіз! Той тойға ұлассын, Жан Аға!

Ахметов әулетінен ініңіз Тілеуғабыл.